

KONTROL MOZIOA

POBREZIA ENERGETIKOAREN BULEGOAREN IRAUNKORTASUNA DELA ETA

Olaia Duarte Lopezek, EH BILDU udal taldeko zinegotziak, Udaltzatzen Organo Araudiaren 98. artikulua oinarri, mozio hau aurkezten du Udaltzatzen azter dadin. Mozioa 2020ko otsailaren 17an Pertsonen Batzordean aztertutako interpelazioaren ondorioa da.

JUSTIFIKAZIOA

2019ko otsailaren 4an, Donostiako pentsionisten kolektiboak honako eskaera hau aurkeztu zuen erregistro bidez (199/3192): *pobrezia energetikoaren ondorioak gero eta jende gehiagok jasaten duela salatzen dugu eta udal gobernuari eskatzen diogu energiaren bulego bat antolatu dezala, pobrezia energetikoarekin lotuta dauden beharrak detektatzeko eta bideratzeko.*

Aurkeztutako dokumentuan, pentsionisten kolektiboak egiten zuen eskaera Espainiako estatuko hainbat hiritan martxan jarri zen ekimenaren antzekoa zen. Esate baterako, 2018ko azaroan Valentziako Udalak ireki zuen horrelako bulego bat, pobrezia energetikoari aurre egin ahal izateko, hiriko % 23ari eragiten zion kaltea baitzen.

Hori dela eta, 2019ko martxoko batzordeetan interpelazioa aurkeztu genuen eta Gizarte-ekintzako delegatuak adierazi zuenez, pentsionisten kolektiboak egindako proposamena interesgarria iruditu zitzaion Udal Gobernuari eta hurrengo enplegu sustapeneko programaren bidez forma emateko aukera aztertu behar zuten, pertsona bat kontratatuz energiaren faktura bideragarria nola egin azaltzeko hiriko familiei. Dena den, delegatuak ez zuen epe zehatzik aipatu eta martxoan Udaltzatzen onartutako kontrol mozio hau aurkeztu genuen:

1.- Udaltzatzen hertsatuki eskatzen dio Udal Gobernuari idatziz aurkeztu dezala pobrezia energetikoa ekiditeko bulegoari dagokion plana eta zerbitzua noiz irekiko duen zehaztu dezala, Alderdi Ederreko pentsionisten plataformaren eskaerari erantzunez.

Urrian Eusko Jaurlaritzak argitaratutako Pobrezia eta Desberdintasunen inkestaren emaitzen arabera, 200.000 pertsonak jasango dute pobrezia energetikoaren ondorioak negu honetan (hotza, berogailua pizteko zailtasunak, argi falta eta abar). Datuen arabera, 2008tik pobrezia energetikoa % 125 hazi da EAEn.

Aldi berean, 2020ko urtarrilaren 30ean Gurutze Gorriak aurkeztutako memorian adierazi du, 2019an, Gipuzkoako 423 familiari lagundu diela energia gastuei aurre egiten (gehienak Donostiakoak).

Azaroko batzordeetan Ingurumeneko delegatua interpelatu genuenean, bulegoa abenduaren 2an irekiko zela eta OMICen jarriko zutela adierazi zuen. Azkenean, atzerapen baten ostean, delegatuak jakinarazi zigun bulegoa 2019ko abenduaren 23an ireki zela.

Pentsionisten plataformarekin berri hau kontrastatu eta gero hurrengo kezka hauek adierazi dizkigute:

- Zerbitzu honek ez du haien eskaera asetzen, ez baititu pobrezia energetikoa ekiditeko laguntzak edo neurriak ematen, zerbitzuaren helburua delako erabiltzaileari faktura merketzeko aholkuak ematea.
- Zerbitzuak ez du etorkizunek, martxora arte irekitzea finkatu delako. Informazio hau guk geuk kontrastatu dugu zerbitzua eskaintzen duen teknikariarekin.
- Ez da zerbitzua promozionatu edo ezagutarazi herritarren artean. Horren seinalea da Udaleko web-gunean pobrezia energetikoaren ataleak ez dela ezta aipamenik egiten¹.

Gauzak horrela, otsaileko Pertsonen Batzordean ingurumeneko delegatua interpelatu dugu gaiaren inguruan. Delegatuak adierazi digu bulegoko teknikariak 35 pertsona artatu dituela zerbitzua ireki zenetik eta, martxotik aurrera, teknikariaren kontratua amaitzen denean, Donostiako KIUBeko bi langileri egokituko zaiela funtzio hau.

KIUBeko teknikariak lanez gainezka daudela jakinda, ez zaigu iruditzen zerbitzua mantentzeko aukerarik egokiena bi pertsona hauen lan karga handitzea.

Hortaz, azaldutako egoera kontuan hartuta, behean sinatzen duen zinegotziak honako MOZIO hau aurkezten du:

KONTROL MOZIOA

- 1.- Udalbatzak hertsatuki eskatzen dio Udal Gobernuari Udaleko web orrialdean, probetza energetikoz hitz egiteko dagoen atalean, pobrezia energetikoa ekiditeko aholkularitza zerbitzuaren berri eman dezala.
- 2.- Udalbatzak hertsatuki eskatzen dio Udal Gobernuari 2020ko martxoan pobrezia energetikoa ekiditeko aholkularitza zerbitzuaren memoria eta ebaluazioa egin dezala eta lan horiek udal taldeokin parteka dezala.

Donostian, 2020ko otsailaren 20an

Olaia Duarte López
EH Bildu udal taldeko zinegotzia

1 <https://www.donostia.eus/ataria/web/ingurumena/energia/energia-pobretasuna>